

Partido OLA a yega na un acuerdo no formal cu un entidad financiero pa:

Refinancia full e debe cu WEB y Elmar tin cu Netherlands Investing Bank



ORANJESTAD (AAN): Abogado Sr. John van der Kuyp di partido OLA a haci un anuncio importante durante di e rueda di prensa di ayera mainta caminda a laga sa cu mientras cu e tabata na Merca, el a reuni cu representantenan di un entidad financiero bastante poderoso y cu a yega cu nan na un acuerdo no formaliza pa re-financia full e debe cu WEB Aruba NV y Elmar NV tin cu NIB.

Segun e abogado, e acuerdo aki ta uno no formal den e sentido cu nan no ta den gobierno ainda, pero na momento cu nan drenta den gobierno nan lo ehecute esaki.

Van der Kuyp a sigui bisa cu ta conoci cu nos tin un herencia hopi negativo den e tereno di energia y muy en particular e politica di WEB y Elmar. A señala cu lamentablemente ta asina cu Netherlands Investing Bank ta abusando di nos pueblo door di exigi di gobierno di Aruba un contract. Esaki ta un realidad, a bisa.

E politico a expresa cu mester acepta cu NIB tin un influencia masha grandi riba WEB y Elmar cu ta companianan di pueblo y door di e contract ey, ta un realidad cu pueblo no tin nada mas di bisa den e maneho di WEB y Elmar, caminda e maneho cu ta ser hiba den e companianan aki ta di extremo capitalismo y di monopolio total.

Na opinion di John van der Kuyp tanto AVP como MEP, tur dos a proteha NIB y a laga

nan haci loke nan kier haci. Den e periodo di AVP nan a haya tur facilidad pa sigui cu nan maneho extremo capitalista y bao di e partido cu yama su mes Social Democrata pero cu no ta ni social ni democrata tambe nan a haya tur facilidad y ta asina cu dos luna pasa a weita Nel Oduber na grandi ta firma un otro contract cu Netherlands Investing Bank.

Segun e abogado, OLA no ta acepta esaki y nan ta realistico cu nan sa cu no por bay kibra algo si no tin un alternativa. Pesey nan a anuncia for di awor cu mientras cu e tabata den exterior, a papia cu un grupo na Merca, poderoso financieramente.

Cu e grupo aki, van der Kuyp a yega na un acuerdo en principio pa bay re-financia full e debe cu WEB y Elmar tin cu NIB.

A subraya cu pensando cu e suma ta hopi halto, caminda el a menciona un cantidad cu

ta bay riba 100 miyon dollar, e representantenan di e entidad a hari manifestando cu nan ta bezig cu dos proyecto, un na Brasil y un na Argentina, cu ta bay mas cu 1 biyon dollar y cu loke van der Kuyp tabata mencionando no ta ni 10% di esey.

"Den e mundo aki no mester kere cu pasobra ta Netherlands Investing Bank cu

nan ta tanto poderoso compara cu e grupo di Pain Webber mes cu den tempo di Glenbert Croes como ministro cu a financia aeropuerto. Bo ta bisa cu banda di Pain Webber e Netherlands Investing Bank mester cambia su nomber y yama nan mes Netherlands Investing Bankje".

Finalmente, e politico a bisa cu WEB y Elmar por paga back nan debe y hiba alavez un maneho social cu ta tene cuenta cu esnan cu no por paga. No ta necesario pa WEB y Elmar haci abuso y gana sumanan enorme. "Nan ta companianan di pueblo, nan tin e deber pa nan tambe hiba un maneho social pa cu e pueblo".

Den oranan laat di marduga helicopter a persigui auto

ORANJESTAD (AAN): Tabata parece un pelicula di "James Bond" tabata wordo filma, ora cu pa 5.30 or di marduga esnan abordo di e helicopter di polis, a constata na tera un vehiculo sospechoso net na entrada di Colony.

Mesora esnan abordo di e helicopter a notifica polis na

tera cu nan ta sigi un vehiculo color blanco cu lo ta yen di persona y cu e chofer a dera trot, ora e lo a nota cu nan ta wordo persigui for di laira. Na e cruzada Sint Christoffelberg y Forthuevelstraat, patruya a logra para e chofer. Den e auto polis a constata cu tin 7 ocupante.

Tres di nan por a identifica

nan mes, mientras e otro nan no tabata tin documentonan den nan poder.

Polis a hiba tanto e auto y tur ocupante rumbo pa warda.


Pa tres otro, famia por a trece documentonan warda pa nan wordo identifica.

Ta un persona, e hoben Dominicano di inicialnan L.R. di 18 aña a keda deteni.

GOBERNA TA UN COS, TRAHA LISTA TA OTRO!!

NEL TIN HOPI DEN MEP CU A FAYA PISA, DICON BO A PONE NAN RIBA LISTA TOCH?!

MASHA FACIL, SI BO KITA AMI, BOOSHI, RANON, ROBERT, RUDY, JUNIOR Y HOPI MAS FOI DI LISTA DI MEP, BO LO CREA UN IMPRESION CU NOS A TRAHA MALO!!



TELEFONNAN DI DIARIO
582-6747- FAX 582-8551